



Bosna i Hercegovina
Federacija Bosne i Hercegovine
Zeničko-dobojski kanton
JU Univerzitet u Zenici
Filozofski fakultet

Naslov:

Vaš znak:

Naš znak: 04-004-003-0001/23

Zenica: 14. 11. 2023. godine

Na osnovu člana 118. i člana 142. Statuta Univerziteta u Zenici (Prečišćeni tekst), člana 89. stav (9) Pravilnika o organizovanju dodiplomskog, magistarskog i doktorskog studija na Univerzitetu u Zenici, Vijeća doktorskog studija Kultura i identitet, na 01. (prvoj) (elektornskoj) sjednici održanoj dana 14. 11. 2023. godine, donijelo je:

PRIJEDLOG

ODLUKE

o usvajanju Poslovnika o radu Vijeća doktorskog studija kultura i identitet (vijeće studija)
Filozofskog fakulteta Univerziteta u Zenici

Član 1.

Usvaja se Poslovnik o radu Vijeća doktorskog studija kultura i identitet (vijeće studija)
Filozofskog fakulteta Univerziteta u Zenici

Član 2.

Sastavni dio Prijedloga odluke čini tekst Poslovnika o radu Vijeća doktorskog studija
kultura i identitet (vijeće studija) Filozofskog fakulteta Univerziteta u Zenici.

Predsjedavajući Vijeća doktorskog studija Kultura i identitet

Prof. dr. Damir Kukić

Dostavljeno:

1x Arhiva Vijeća doktorskog studija Kultura i identitet

Bosna i Hercegovina
Federacija Bosne i Hercegovine
Univerzitet u Zenici
Organizaciona jedinica Filozofski fakultet
Stalno stručno tijelo doktorskog studija
Broj:
Zenica

Na osnovu člana 89. stav (9) Pravilnika o organizovanju dodiplomskog, magistarskog i doktorskog studija na Univerzitetu u Zenici, Stalno stručno tijelo doktorskog studija (Vijeće studija) Filozofskog fakulteta Univerziteta u Zenici, na sjednici Vijeća studija održanoj 14.11.2023. godine, donijelo je

**POSLOVNIK O RADU
VIJEĆA DOKTORSKOG STUDIJA KULTURA I IDENTITET (VIJEĆE STUDIJA)
FILOZOFSKOG FAKULTETA UNIVERZITETA U ZENICI**

POGLAVLJE I. OPŠTE ODREDBE

**Član 1.
(Poslovnik)**

Ovim Poslovníkom reguliše se način rada Stalnog stručnog tijela doktorskog studija (u daljem tekstu: Vijeće studija), prava i dužnosti članova Vijeća studija, kao i druga pitanja od značaja za Vijeće studija.

**Član 2.
(Sastav Vijeća studija)**

(1) Vijeće studija je stručno tijelo koje upravlja Studijem trećeg ciklusa (doktorski studij) Kultura i identitet na Filozofskom fakultetu Univerziteta u Zenici, nadležno i odgovorno za organizaciju i tok studiranja na Studiju trećeg ciklusa (doktorskom studiju) Kultura i identitet na Filozofskom fakultetu Univerziteta u Zenici, kojeg čine:

- a) svi redovni i vanredni profesori članovi Naučno-nastavnog vijeća Filozofskog fakulteta Univerziteta u Zenici, te student predstavnik III ciklusa studija
- b) svi nastavnici-nositelji predmeta na doktorskom studiju.

(2) Članove Vijeća studija iz stava (1) imenuje Senat Univerziteta u Zenici na period od 4 (četiri) godine kao i sekretara Vijeća studija na period od 2 (dvije) godine, iz reda saradničkog osoblja Fakulteta za obavljanje sekretarskih poslova.

(3) Članovi Vijeća studija se potvrđuju Odlukom Senata Univerziteta u Zenici svake akademske godine.

(4) Vijeće studija ima predsjedavajućeg koji predsjedava sjednicama, a kojeg imenuju članovi Vijeća studija iz reda svojih članova.

Član 3.

(Predstavници studenata u članstvu Vijeća studija)

(1) Članovi Vijeća studija iz reda studenata zastupaju interese studenata Studija trećeg ciklusa (doktorskog studij) Kultura i identitet shodno stavovima tijela koje ih je izabralo.

(2) U slučaju opravdanog odsustva predstavnika studenata, člana Vijeća studija može zamijeniti drugi izabrani predstavnik po pismenom punomoćstvu predsjednika Unije studenata.

POGLAVLJE II. PRAVA I DUŽNOSTI

Član 4.

(Prava i dužnosti članova Vijeća studija)

(1) Članu Vijeća studija dostupni su svi službeni materijali, dokumenti i podaci koji se pripremaju ili prikupljaju u Dekanatu (upravi) Fakulteta, a koji se odnose na odlučivanje na sjednicama Vijeća studija.

(2) Članovi Vijeća studija su dužni čuvati podatke koje saznaju, a koji prema zakonskim propisima nose oznaku tajnosti i za to su odgovorni prema Zakonu.

(3) Članovi Vijeća studija imaju prava i dužnosti:

- Prisustvovati na sjednicama i na njima raspravljati i glasati;
- Podnositi prijedloge i postavljati pitanja; te
- Učestvovati u radu komisija i drugih radnih tijela Vijeća studija.

Član 5.

(Druga lica)

Sekretar fakulteta i druga lica koja su pozvana na sjednice Vijeća studija ne mogu učestvovati u donošenju odluka.

Član 6.
(Poslovi i zadaci)

Vijeće studija obavlja poslove i zadatke iz svog domena, a koji su utvrđeni Pravilnikom o dodiplomskom, magistarskom i doktorskom studiju Univerziteta u Zenici, a odluke donosi samo na sjednici na način i po postupku utvrđenom ovim Poslovnikom.

Član 7.
(Djelokrug rada Vijeća studija)

(1) Djelokrug rada Vijeća studija je:

- a) upravlja doktorskim studijem, rješava sva pitanja koja se odnose na organizaciju i tok studiranja;
- b) imenuje komisiju za upis i rangiranje kandidata;
- c) predlaže NNV-u produženje roka za završetak studija;
- d) predlaže Dekanu Fakulteta donošenje odluke o obustavi stjecanja naučnog stepena doktora nauka;
- e) obrazuje komisije za razmatranje i odbrana prihvatljivosti prijedloga teme i određuje nastavnika (supervizora) koji će usmjeravati studenta kod pripreme projekta dokorskog rada;
- f) donosi odluku o usvajanju Izvještaja Komisije za prihvatljivost teme i odbranu projekta dokorskog rada;
- g) predlaže Komisiju za ocjenu uvjeta kandidata i podobnost teme za izradu doktorske disertacije;
- h) predlaže mentora/komentora za izradu doktorske disertacije;
- i) utvrđuje prijedlog o prihvatanju ili odbijanju Izvještaja Komisije za ocjenu uvjeta kandidata i podobnost teme za izradu doktorske disertacije;
- j) donosi odluku o imenovanju mentora na osnovu prethodne suglasnosti Senata Univerziteta u Zenici;
- k) predlaže Komisiju za ocjenu i odbranu doktorske disertacije;
- l) na osnovu Izvještaja Komisije za ocjenu i odbranu doktorske disertacije, utvrđuje prijedlog o prihvatanju, odbijanju ili vraćanju doktorske disertacije na dopunu odnosno izmjenu;
- m) vršenje i drugih nadležnosti, u skladu sa Pravilnikom o organizovanju dodiplomskog, magistarskog i dokorskog studija na Univerziteta u Zenici.

POGLAVLJE III. NAČIN RADA

Član 8. (Sjednice Vijeća studija)

(1) Vijeće studija obavlja poslove iz svog djelokruga na sjednicama koje se održavaju prema potrebi, a u pravilu najmanje jedanput mjesečno.

(2) Na početku akademske godine, Vijeće studija utvrđuje okvirni raspored održavanja sjednica, koji je, u principu usklađen s rasporedom održavanja sjednica Naučno-naslavnog vijeća i Senata.

Član 9. (Vrste sjednica Vijeća studija)

(1) Sjednice Vijeća studija mogu biti redovne, vanredne i elektronske.

(2) Redovne sjednice se održavaju radi odlučivanja o pitanjima iz nadležnosti Vijeća studija u redovnim procedurama.

(3) Vanredne sjednice Vijeća studija će se zakazivati u slučaju kada se od Vijeća studija zahtijeva očitovanje u rokovima, koji ne omogućavaju primjenu procedure zakazivanja redovne sjednice.

(4) Vijeće studija može u opravdanim slučajevima održati i elektronsku sjednicu, o čemu odlučuje Predsjedavajući Vijeća studija.

Član 10. (Predsjedavajući Vijeća studija)

(1) Predsjedavajući Vijeća studija se imenuje iz reda nastavnika (zaposlenika UNZE) članova Vijeća studija.

(2) Mandat predsjedavajućeg Vijeća studija traje 4 (četiri) godine.

(3) Ista osoba se može imenovati na dva uzastopna mandata.

(4) Sjednice Vijeća studija priprema i saziva predsjedavajući, u saradnji s dekanom i sekretarom Vijeća studija.

(5) Predsjedavajući je dužan sazvati sjednicu Vijeća studija, kada to, u pisanoj formi, zahtijeva najmanje polovina članova Vijeća studija i Dekan.

(6) Sjednicom Vijeća studija rukovodi i predsjedava predsjedavajući, brine se o zakonitosti rada Vijeća studija te je odgovoran za primjenu Poslovnika o radu.

(7) Predsjedavajući je na sjednicama Vijeća studija dužan dati članovima Vijeća studija sve potrebne informacije i objašnjenja u vezi s odlukama iz nadležnosti Vijeća studija.

(8) Red na sjednicama Vijeća studija osigurava predsjedavajući.

(9) Upotreba mobitela u radnom dijelu sjednice Vijeća studija nije dozvoljena.

Član 11.

(Izjašnjavanje članova Vijeća studija o kandidatima za imenovanje predsjedavajućeg)

(1) Prijedlog za predsjedavajućeg Vijeća studija može dati svaki član Vijeća studija.

(2) Članovi Vijeća studija izjašnjavaju se o predsjedavajućem Vijeća studija javnim glasanjem.

(3) Za predsjedavajućeg Vijeća studija imenuje se onaj kandidat koji dobije većinu glasova od ukupnog broja članova Vijeća studija.

(4) Ukoliko je predloženo više kandidata za predsjedavajućeg Vijeća studija i niti jedan od njih u prvom krugu glasanja ne dobije potrebnu većinu ili više kandidata dobije isti broj glasova, u uži izbor ulaze dva kandidata s najvećim brojem glasova, odnosno kandidati s istim brojem glasova.

(5) U ponovljenom glasanju između dva kandidata za predsjedavajućeg Vijeća studija imenovat će se kandidat koji dobije većinu glasova od ukupnog broja članova Vijeća studija.

Član 12.

(Odlučivanje Vijeća studija)

(1) Vijeće studija može raspravljati o određenim pitanjima za koje je nadležno i odlučivati kada sjednici prisustvuje većina od ukupnog broja članova.

(2) Vijeće studija donosi odluke većinom glasova od ukupnog broja njegovih članova.

(3) Vijeće studija donosi odluke javnim glasanjem.

Član 13.

(Rad na sjednicama)

(1) Članovima Vijeća studija poziv s prijedlogom dnevnog reda i materijalima za sjednicu se, u pravilu, dostavlja 5 (pet) dana prije održavanja sjednice, a najkasnije 2 (dva) dana prije održavanja sjednice, u elektronskoj formi.

(2) Sjednica Vijeća studija može početi s radom ako sjednici prisustvuje više od polovine članova Vijeća studija.

(3) Prije prelaska na rad po predloženom dnevnom redu, verificira se zapisnik prethodne sjednice.

(4) O uvrštavanju prijedloga za dopunu ili izmjenu dnevnog reda Vijeće studija se izjašnjava većinom glasova od ukupnog broja članova Vijeća studija.

(5) Konačni prijedlog dnevnog reda usvaja se većinom glasova od ukupnog broja članova Vijeća studija.

(6) Elektronska sjednica se smatra pravovaljanom ukoliko na istu odgovori većina od ukupnog broja članova Vijeća studija.

Član 14.
(Dnevni red sjednice Vijeća studija)

(1) Na početku sjednice Vijeća studija predsjedavajući daje potrebna objašnjenja u vezi sa njezinim radom i obavještava o drugim prethodnim pitanjima.

(2) Poslije utvrđenog dnevnog reda počinje rasprava o pojedinim temama dnevnog reda i to redosljedom koji je utvrđen u dnevnom redu.

(3) Predsjedavajući zaključuje sjednicu kada se iscrpi utvrđeni dnevni red sjednice.

Član 15.
(Dnevni red sjednice Vijeća studija)

(1) Javno glasanje provodi se dizanjem ruke tako da predsjedavajući poziva članove Vijeća studija da se izjasne koje „za”, zatim koje „protiv” prijedloga, te koje „suzdržan“ od glasanja.

(2) Nakon glasanja predsjedavajući utvrđuje da li je pojedina odluka dobila većinu glasova i objavljuje rezultat glasanja.

(3) Provjera glasanja mora se zatražiti prije nego što predsjedavajući utvrdi da je pojedina odluka donesena.

(4) Odluke sa elektronske sjednice Vijeća studija donose se većinom glasova (dostavljenih odgovora putem elektronske pošte) od ukupnog broja članova Vijeća studija.

(5) Članovi Vijeća studija glasaju putem elektronske pošte uz navođenje „ZA" ili „PROTIV" ili „SUZDRŽAN“ i na taj način se izjašnjavaju o svakoj tački dnevnog reda.

Član 16.
(Zapisnik)

(1) O radu sjednice Vijeća doktorskog studija vodi se Zapisnik.

(2) Zapisnik sadrži:

- redni broj sjednice, datum, mjesto i vrijeme održavanje sjednice;
- ime i prezime prisutnih i odsutnih članova Vijeća studija i drugih učesnika sjednice;
- dnevni red;
- potpis predsjedavajućeg i zapisničara.

(3) Originalni zapisnik sjednice pohranjuje se i čuva u arhivi Fakulteta.

Član 17.
(Primjedbe na zapisnik)

(1) Svaki član Vijeća studija ima pravo na početku sjednice iznijeti primjedbe na zapisnik sa prethodne sjednice.

(2) O osnovanosti primjedbe na zapisnik odlučuje se na sjednici Vijeća studija.

(3) Ako se primjedba na zapisnik prihvati, obavit će se u zapisniku odgovarajuća izmjena.

(4) Zapisnik na koji nisu iznesene primjedbe, odnosno zapisnik s prihvaćenim primjedbama, smatra se usvojenim po izjašnjavanju članova Vijeća studija o istom.

Član 18.
(Pojedinačni akti)

Pojedinačni akti usvojeni na sjednici Vijeća studija, donose se u formi odluka, zaključaka, uputstava, instrukcija i slično, a iste potpisuje predsjedavajući Vijeća studija.

POGLAVLJE IV. PRIJELAZNE I ZAVRŠENE ODREDBE

Član 19.
(Stupanje na snagu)

(1) Ovaj Poslovnik stupa na snagu narednog dana od dana usvajanja.

(2) Izmjene i dopune Poslovnika vrše se na istovjetan način na koji je i donesen.

Zenica. _____ . godine

PREDSJEDAVAJUĆI
VIJEĆA STUDIJA